

夢遊天姥吟留別

李白

海客談瀛洲，煙濤微茫信難求。  
越人語天姥，雲霞明滅或可睹。  
天姥連天向天橫，勢拔五嶽掩赤城。  
天臺四萬八千丈，對此欲倒東南傾。  
我欲因之夢吳越，一夜飛度鏡湖月。  
湖月照我影，送我去剡溪。  
謝公宿處今尚在，綠波蕩漾清猿啼。  
腳著謝公屐，身登青雲梯。  
半壁見海日，空中聞天雞。  
千巖萬轉路不定，迷花倚石忽已暝。  
虎嘯龍吟殷巖泉，慄深林兮驚層巔。  
雲青青兮欲雨，水澹澹兮生煙。  
列缺霹靂，丘巒崩摧。  
洞天石扇，訇然中開。  
青冥浩蕩不見底，日月照耀金銀臺。  
霓為衣兮風為馬，雲之君兮紛紛而來下。  
虎鼓瑟兮鸞回馬，僊之人兮列如麻。  
忽魂悸以魄動，恍驚起而長嗟。  
惟覺時之枕席，失向來之煙霞。  
世間行樂亦如此，古來萬事東流水。  
別君去兮何時還，且放白鹿青崖間，須行即騎訪名山。  
安能摧眉折腰事權貴，使我不得開心顏。

【作者簡介】

李白（公元 701—762）字太白，號青蓮居士，是盛唐時期最有名的大詩人，也是中國歷史上最偉大的詩人之一。他的詩雄奇豪放，飄逸不群，想像豐富，流轉自然，音韻和美，體格多變。

【字句淺釋】

解題：這是一首記夢的詩。以其雄偉闊大的意境，惝恍莫測的變化，繽紛多彩的形象，清新奇特的手法，而成千古傳誦的名篇，是李白的代表作之一。

天姥：山名，在天台山對面。

瀛洲：東海上三神山之一。

微茫：隱約、模糊。

信：確實。

拔：超越。

赤城：山名，有一峰有三百多丈高。

吳越：過去吳國和越國領地。

鏡湖：又叫鑒湖，在會稽縣西南。

剡（音扇）溪：在剡縣西南。

謝公：謝靈運，六朝時大詩人。

謝公屐：謝靈運遊山時足穿特製木屐，前後有齒，上山去前齒，下山去後齒。

青雲梯：指高山石徑像入雲的梯子。

殷（音引）：震動。

栗：恐懼，發抖。

澹澹：水波動的樣子。

列缺：閃電。

石扇：石頭門扇。

訇（音轟）：形容聲音很大。

青冥：青藍色天空。

鸞：鳳凰一類的神鳥。

回車：掉轉車頭。

悸：心跳。